

重校
箋註

錢牧齋全集

初學集卷五

牧齋全集第一種

虞山 錢謙益 牧齋 撰

錢後人 錢 曾 遵王箋註

崇禎詩集一

起崇禎元年
戊辰盡六月

崇禎元年元日立春

淑氣和風應候來王春元朔併相催故知青帝攢新令不是天公厭兩回

東坡元日

立春詩省事
天公厭兩回

受歲酒應羞白髮向陽花欲笑寒灰釣船游展須排日先踏西山

萬樹梅

排日

放翁小飲梅花下詩排日醉
過梅落後通宵吟到雪殘詩

正月十四日與邵僧彌看梅西山繇橫塘抵光福

放舟出橫塘喜與烟郭遠遠景宜日斜清游取春淺嫩柳綠未舒寒條翠將展
近水樹乍明遙峰月漸顯同舟得佳侶靜好有餘善行看烟巒紆坐愛溪橋轉

約略雲樹閒西山累甌巖山容如高人作意任偃蹇我生在塵網鹿鹿苦未反
明朝山中雲倘笑歸來晚再拜萬樹梅爲我滌顏覩

甌巖

爾雅釋山重巖嶸郭璞曰謂山形如累
兩巖巖甌也山形狀似之因以名云

夜步虎山橋

信步尋谿橋卮犬吠林杪月色淡自佳山行誤亦好暮峰歛餘黛早梅散輕縞
定知今宵夢空濛入幽討

元夕阻雨泊舟光福

尋花不覺遠直入梅花卮孤蓬坐滴瀝清曉如黃昏未能理蠟屐何暇開清尊
名花初發時燕賞亦遲人西山千萬樹亞枝趑朝暾洗粧映流水薄寒倚柴門
豈知墮烟雨掩抑空淚痕梅花如靜女有恨初不言我懷同楚客莽莽欲斷魂
世無別花人此意誰與論

別花人

樂天紫薇詩除却微之見應愛世間少有別花
人薔薇詩移他至此須爲主不別花人莫與看

十六日冒雨游玄墓

發興上藍輿賈勇著芒屨尋花欲乞命

韓詩都將命乞花

豈爲風雨怖冒雨發龜峰穿

花到玄墓參月橫清晨玉雪蔽行路沾濕聞雨香登頓入花霧初疑雨妬花轉爲花惜雨梅亦愛清妍裊雨如含露孤標宜輕寒靚粧倚薄暮秉燭如有思吮毫未能訴欲償清游通更覓寒餓句

清游通

東坡與胡祠部遊法華山詩不將新句記茲遊恐負山中清淨債放翁僧房假榻詩剩償平日清遊願更結來生熟睡緣寒餓句

東坡大雪苔趙薦詩詩人例窮蹇秀句出寒餓

奉慈庵紅梅一株嫣然獨出感而有作

萬樹漫山玉雪中一株獨自笑芳叢新粧不是緣施赤薄怒應看近發紅聊貶高寒遮俗眼暫先穠豔領春風調羹至竟誰能事枉竊年華媚化工

美人詒折梅一枝僧彌歎賞請余同賦

小院疎窻傍畫闌攜來細向膽瓶看端詳苦愛橫斜好折贈深知揀擇難伴我

餘香宜夜靜憐渠剪燭對更殘一枝已識春風意莫倚孤舟怨薄寒

十七日早晴過熨斗柄登茶山歷西磧彈山抵銅坑還憩衆香庵

吳山環西南其山秀而嶧鬱盤起玄墓迤邐屬西磧梅花生其中居然好宮宅
譬彼冰雪姿綽約處姑射回環具區水粘天浸寒碧空濛滋霜根浩渺蕩月魄
湖山蓄氣韻烟雲發芳澤所以西山梅迥出凡梅格我來早春時發興蠟雙屐
探奇忘晴雨尋花越阡陌茫茫梅花海上有花霧積不知何處香但見四山白
藍輿度花杪登頓旋已易恍忽如夢境愕眙眩游跡縱覽乘朝曦留連坐日夕
殘陽挂烟樹橫斜似初月清游難省記勝情易追惜還恐梅花神茫茫笑逋客

梅花海

東坡安福寺尋春詩
玉仙洪福花如海

衆香庵贈自休長老

略約緣溪一徑分千林香雪炤斜曛道人不作尋花夢只道漫山是白雲

畧約

漢書武帝紀注師古曰樵者步渡橋爾雅謂石杠今之畧約是也
東坡同王勝之遊蔣山詩略約橫秋水施宿曰略約獨木橋也

西山看梅歸舟卽事示僧彌 四首

廿年游跡半萋迷老去逢君又杖藜芳草路當春雨後梅花村在衆山西茶山

烟雨荒新築

長蘅欲結庵
茶山未果

銅井莓苔沒舊題

余與巽一淵孟何三季穆偕游銅井題名絕壁去今二十二年矣

更憶盤螭桃萬樹人閒何限武陵溪

盤螭桃花最盛今無復存

其二

千邨烟靄蔽芳叢流水疎籬有徑通花霧陰中晴日變湖山斷處白雲烘低迷
楊柳差新綠點綴櫻桃記小紅安得松圓老居士墊巾同過虎橋東

其三

三年噩夢已塵沙又向東君感物華獻歲雪消遲柳色試燈風雨妒梅花曾賒
酒券書千卷萬文康以酒券從人假太平御覽儘放漁舟水一涯眼底仙源在人世春深隨處
有桑麻

塵沙

宗鏡錄第三從迷積迷空歷塵沙之劫因夢生夢永昏長夜之中

其四

虎山橋畔好溪山聚塢銅坑取次扳屐齒衝將新雨去杖頭携得老梅還青山
對酒知誰在白髮尋春讓我閑自此柴荆多晝閉遲君花下或開關

虎丘秋月圖題贈似虞周翁

虎丘佳麗地中秋明月時吳儂競芳辰結伴相遨嬉一翁迤邐來蒼顏白須眉
徐行躡浮圖信步穿劍池矍鑠憎扶掖矯健逾僮兒還憇千人坐微汗揮裳衣
游人羣指目伎女爭遶圍無乃地行仙遨游下巖扉此翁少好游游興老不衰
年年中秋月艤舟虎丘湄排連五十秋晴雨莫閒之譬如秋風鴈歲歲不失期
還觀同游人游跡苦參差少者漸以老老者漸以稀山中有老衲拱揖復嗟咨
與翁爲輩行是我影堂師亦有中年人髣髴漸成絲拍肩呼曾孫側坐相追隨
昔時裘馬客今或寒與饑畫船易新主簫鼓無遺吹昔時紅粉伎零落歸山岬
或爲衰年嫗乞食行吹篴吳風遞更換吳粧日歲蕤短衣遍紅紫大袖拂履綦

吳歌稱絕調傾聽良已非新腔難按拍急管增繁悲轉盼復誰是屈指亦自疑
豈獨市朝改兼恐陵谷移惟有生公石盤陀閱成虧惟有劍池月秋來鑑如規
美此鶴髮翁身閑步逶迤秋山與秋月年年對霜髭人生皆昔夢一往不可追
夢愕與夢歡夢者豈自知冶游如好夢夢覺心說怡胡爲勞生人惘惘徒歔歔
翁今年九十健噉足若飛幸逢聖明世擊壤歌雍熙煌煌老人星長炤虞山屨
更度十中秋爲舉百歲卮

浮圖

茹昂重輯虎丘山志張益修塔記虎丘寺有塔凡七級在絕頂始建于
隋仁壽九年當其掘地築基得舍利聞空中奏樂井之吼者三日虎丘

既爲蘇之勝地而塔之靈異又若此寺凡屢燬塔固無恙洪武乙亥僧舍不
戒于火寺焚延及浮圖永樂初住持法寶重構殿宇而塔則專托寺僧寶林

加葺之宣德癸丑火復作于僧舍浮圖又及于災住山定公南印慨任興復
巡撫周公郡守况公捐俸助之經始于正統丁巳之春落成于戊午八月三

日露盤初上白鶴數十迴旋塔頂吹簾吹洛陽伽藍記河間王琛有婢朝雲善
久之乃去舍利之光連夕燭天吹簾吹秦州刺史諸羗外叛屢討

不降琛令朝雲假爲貧姬吹簾而泣諸羗聞之流涕相率歸降秦民語曰快馬健兒不如老嫗吹簾

悼鶴

來從何所化何之碧海茫茫不可追留魄尙疑初月影招魂正在落梅時舞休
竹裏風生少鳴斷松閒露下遲約略重來還報我秋空春曉是前期

其二

殘年百事苦傷悲更報胎禽去曉池院落又如亡愛子寢門應比哭相知乘軒
任爾誇新寵爭樹還誰占舊枝商略雲山瘞仙骨立黃祇恐未相宜

瘞鶴銘云
裹以立黃

幣之

爭樹

樂天送鶴上裴相公詩夜棲聊
共鷄爭樹曉浴先饒鳳占枝

瘞鶴之明日有鶴翔於鄉園去往年鶴來之地一牛鳴耳宗老明翼氏購
得贈余先以佳咏感而致謝

獨鶴仍從海上來柴門還爲羽衣開丹丘信隔猶凝望紫府書通便却迴顧影
似憐曾舞雪返魂應逐未殘梅仙家騏驎非凡骨寄謝詩人莫漫猜

紫府

松陵集張貴和襲美悼鶴詩丹臺
舊塋難重緝紫府新書豈更通

仙家騏驎

相鶴經羽族之宗
長仙人之騏驎也

答履之喜得鶴見遺四韻

雪消鶴去不勝愁小兆人閒似可求

去年九月里人獻夢有鶴去復來之詩

朱頂已蒙仙客號

宋李

文正五客詩號鶴為仙客

素翎還伴老人頭羽毛雖短誰能假菰米方殘豈自謀莫向華亭

論聲價相經久已誤浮丘

來詩云翔集已知陽鳥意虞山聲價重華亭

小兆

松陵集陸龜蒙招潤卿絕句仙客何時下鶴翎方瞳如水腦華清不過傳達楊君夢從許人間小兆聽

仙客

圖畫見聞志李文正嘗于

私第之後園育五禽以寓目皆以客名之後命畫人寫以為圖鶴曰仙客孔雀曰南客鸚鵡曰隴客白鷗曰閑客鷺鷥曰雪客各有詩篇題于圖上

依韻徐于喜見

月昏雲薄闇思量別緒參差有底長啼樹鳥闌仍宛轉穿花蝶老故輕狂重支

秋枕溫殘夢更拂春眉理斷腸綰盡柳絲還柳絮東風只合為君忙

徐前後贈伎有柳絲

柳絮詞各數首

和履之花朝見示

愕夢纏綿尚記存芳華空對二分春淒涼寒食還如我穠豔花朝乞與人生計

料平量餘昔酒功名磨折剩閒身白家大有穿楊手切莫蹉跎學老民
用樂天喜敏中

及第詩

題仙山樓閣圖

華堂遲日春融融嬌蘭寵蕙多光風誰爲此圖掛素壁神山仙館來空濛參差
崑崙頂縹緲扶桑東上有摩天削成千仞之絕壁下有拔地偃蹇百尺之喬松
天光浮動日月水海濤激射飈輪峯五雲聚族不成雨千霞解駁皆爲虹交梨
無根長翳薈夜芝有光焰丰茸琪花瑤草人不識但見竹柏長青葱其閒樓觀
參差起璇瑰瑤碧相蔽蒙細界烟巒辨棟宇平臨月駕開房櫺墉城金臺盡治
所易遷童初或離宮羣真續紛互來往似謁金母朝木公金條脫玉玲瓏頂巾
作髻衣綃垂紅白珠約臂青章帶胸鳥爪紛指掌虎齒還嬰童高堂壽母定誰
是無乃亦在圖畫中主人捧圖獻母側慈顏一笑回春容班白稚齒齊上壽撞
鐘伐鼓樂未終金盤擗麟莫數他家事斟雉調鼎吾祖自有彭鏗翁

楚詞天問
彭鏗斟雉

帝何饗神仙傳云彭祖能調鼎進雉羹於堯

墉城金臺

東方朔十洲記方丈在東海中央其處有積金名天墉城面方千里城上安金臺五所玉樓十二其北戶出承淵山又有墉城金臺

玉樓相似淵精之闕光碧之堂瓊華之室紫翠丹房景燭日輝朱霞九光西王母之所治真官仙虛之所宗易遷童初

易遷館舍真臺皆女子之宮也又有金母木公上仙傳拾遺漢初四五小兒路童初蕭開堂二名以處男子之學也

門揖金母拜木公時莫知之子房曰此東王公也金跳脫真誥運象篇贈權玉童也所謂金母者西王母也木公者東王公也

金玉跳脫白珠青章真誥運象篇安妃下降著雲錦襪上丹下青文彩光鮮各一枚脫

侍女著朱衣虎齒西山經西王母其狀如人豹

帶青章囊虎齒尾虎齒而善嘯蓬髮戴勝

花朝魏仲雪徐于王諸人宴集賦詩用花朝二字排韻余閉關不得與仲

雪枉詩見示依韻奉和兼簡于王

不分春光取次奢小闌側畔想芳華晴烟籠上柳邨邨雨暖日熏桃樹樹霞舊

社房櫳看到燕新粧簾幙記回車憑君傳語東風道莫放花期過棟花

棟花月蠡海錄二十四番花信五日蓋自冬至後為小寒始自小寒至穀雨凡四

也小寒一候迎春二候櫻桃三候望春雨水仙大寒一候菜花二候杏花三候李花

立春一候迎春二候櫻桃三候望春雨水仙大寒一候菜花二候杏花三候李花

一蟄一候桃花二候麥花三候柳花薔薇春分一候牡丹二候醵梨三候棟花

其二

遨頭婪尾羨招邀可惜關門負此宵垂白心情餘我在踏青風物任君描春將

好遍垂垂去花旋開齊續續飄準擬諸公作寒食莫欺老子似今朝

遨頭東坡聞垂雲花開詩何必遨頭出施宿曰成都記太守凡出遊樂士女

都謂之浣花遨頭宴于杜子美艸堂滄浪亭傾城皆出婪尾容齋隨筆樂天

錦繡夾道自開歲宴遊至是而止故最盛于他時也出婪尾詩云歲盡後推

藍尾酒春盤先勸膠牙載申徒澄與路旁茅舍中老父嫗及處女環火而坐

嫗自外挈酒壺至曰以君胃寒且進一杯澄因揖遜曰始自主人翁澄當婪

今人以酒巡為酒令今兩盡從其簡也云南朝有異國進貢藍牛其尾長三

貪也謂處于座末得酒最晚腹瘠于酒既得酒巡匝更食婪之故曰咻尾咻字從口是明貪婪之意此說近之東坡寒食詩云藍尾忽驚新火後遨頭要見浣花前註引樂天寒食詩云三盃藍尾酒一櫟膠牙錫乃用藍字蓋藍婪一也

春雨

小閣疏簾香篆遲冥冥春曉似昏時揩摩老眼看如霧撥觸愁腸散作絲淺綠樹滋鶯不覺小紅花濕蝶還知輕蓑麗寂垂楊畔閒殺江頭老釣師

春雪

記元年二月十九日事也多用東坡癸丑春分後雪詩句而反其意

遲日同雲更合圍東皇何事發陰機李梅冬實原非分雪霰春深故作威繞樹鶯雛應罷語漫天柳絮敢爭飛老農劇喜遺蝗盡旋覺陽和轉褐衣

合圍

元遺山張主簿草堂賦大

李梅

漢書五行志僖公三十三年李梅當剝雨詩厚地高天如合圍向以爲周十二月今十月也李梅當剝

落今反華實近草妖也先華而後實不書華舉重者也陰成陽事象臣顓君作威福

春雲

萬里春空碧落分微茫點綴起氤氳亭亭車蓋誰吹汝漠漠高樓正憶君蔽日

早時能待族飄風一旦已離羣白衣蒼狗須臾事霖雨終期出岳雲

春晴

暮霞新爛午陰收儘放春光在陌頭意愜好風吹綠醕眼明初日炤紅樓青天宿霧看誰掃白晝游絲颺不愁爲報園林鶯燕道呼晴逐雨莫憑鳩

仲雪折梨花見贈口占

寒日到來春寂寂梨花開遍月朧朧煩君折贈銅瓶裏閒殺庭前昨夜風

雪裏桃花次薛叟韻

雪花拂拂釀花朝故著桃花未肯飄傅白更憐頰頰好欺紅不放粉牆燒朱門人面愁相映紫陌塵埃恨欲銷擬爲寫生誰下筆王家還有雪中蕉

傅白

宋玉登徒子好色賦著粉則太白

頰頰

樂府高陽樂人歌何處蝶腸來兩頰色如火自

紅頰一

欵紅

羅隱桃花詩半里紅欵宋玉牆

雪中蕉

沈存中筆談予家所藏摩詰畫袁安臥雪圖有雪中芭蕉此乃得

便成難可與俗人論也

雨中仲雪招飲海棠下

二月簾櫳中薄寒錦城花霧晝溫溫漫鮮妍正合停杯賞沾濕何妨低幘看剪剪
風輕還刻燭濛濛雨重更憑闌知君卜夜留連意坐惜芳華未許殘

刻燭

梁書王僧孺傳嘗夜集學士刻燭爲詩四韻者則刻一寸以此爲常蕭之琰曰頓燒一寸燭而成四韻詩何難之有乃共打銅鉢立韻響滅則

成詩皆可觀覽

寒食日于王仲雪諸人小集津逮軒

展引奚奴杖掛錢隻雞近局許招延貧家節物宜寒食病仗風光似禁烟茶白
還爭分火候桃紅欲褪賣錫天清平要著新詩寫好記崇禎第一年

雨中海棠花下代徐于贈妓

風風雨雨妬花天人病花殘劇可憐還恐海棠零落盡交梳窗下對花眠

寒食日看徐于別妓二首

落花細雨正佳晨萬樹紅芳一病身試看清明寒食候料量還是未殘春

其二

梨花開盡橘花新送妓憐君似送春記取今年作寒食粥香餚白爲何人

粥香餚白

荆楚歲時記寒食造餚大麥粥陸翽鄴中記曰寒食三日爲醴酪又煮糯米及麥爲酪擣杏仁煮作粥玉燭寶典曰今人悉爲大麥

粥研杏仁爲酪引餚沃之

喜復官誥贈內戲效樂天作

三年偶失楚人弓憂喜廻旋似塞翁我褫緋衣緣底罪君還紫誥有何功佩環再試從風響寶髻仍看耀日紅重作安人莫侈太皐耕還憶舊家風

白詩云我轉官階嘗

自愧君加邑號有何功

聞新命未下再贈

山林裘褐可同羣翟裼雖榮且莫欣昔褫帶顰眞爲我今遲官誥豈緣君譙樓

風雪應知免

應山母妻俱頌繫譙樓

內殿恩波更許分

元日命婦朝賀中宮

慵惰請看丞相婦綠窗

朱卷對斜曛

傳聞中宮好學新叅夫人有延師習通鑑者